

Communicaziun a las medias dals 3 d'avust 2022 (communicaziun ad hoc tenor l'art. 53 dal reglament da quotaziun)

## La Banca Chantunala Grischuna elegia in nov commember da la direenziun

- Pascal Pernet maina a partir dal 1. d'avrigl 2023 l'unitad d'interpresa Martgads da la BCG e daventa commember da la direenziun.
- Dapi il 2012 è el responsabel tar LGT Capital Partners per ils secturs Wealth Management e Client Solutions e mida per il 1. da schaner 2023 tar la BCG.
- Pascal Pernet suonda a Thomas Roth che va en pensiun ils 31 da matg 2023.

L'unitad d'interpresa (UI) «Martgads» è responsabla per la cussegliaziun cumplessiva da tut ils segments da clientella. Cun var 500 collavuraturas e collavuratur è ella la pli gronda UI da la Banca Chantunala Grischuna (BCG). Ella cumpiglia las diesch sedias regiunalas e las trais partiziuns strategicas Clientella privata ed ipotecas, Clientella da fatschenta e Private Banking. «Pascal Pernet posseda precis las qualificaziuns che nus tschertgain per posiziunar la banca ed en spezial l'UI Martgads anc pli pregnantamain en in ambient dinamic e fitg competitiv», lauda il CEO da la BCG Daniel Fust.

Pascal Pernet cumenza ses engaschament tar la BCG l'entschatta da schaner 2023 e surpiglia il 1. d'avrigl 2023 – pia suenter ina fasa d'introducziun da trais mais – la direenziun da l'UI Martgads da la BCG. «Jau ma legrel d'emprender d'enconuscher las collavuraturas ed ils collavuratur da la BCG. Igl è in'onur per mai da dastgar contribuir a partir da l'onn che vegn a l'ulteriur svilup da la banca», manegia Pascal Pernet.

En il decurs da sia carriera ha Pascal Pernet gia surpiglià pliras funcziuns sco interprendider, ma era sco emploià en posiziuns directivas da differentas interpresas da la branscha da bancas e da finanzas. Tant sco interprendider sco era sco persuna da cader ha el furmà e manà globalmain differentes teams multinaziunals ils ultims 20 onns. Consequentamain ha Pascal Pernet enconuschentschas fundadas da la branscha da finanzas sco era qualitads da leadership.

Quai èn las meglras premissas per sviluppar vinavant l'UI Martgads cun novs impuls strategics. Pascal Pernet: «Jau sun naschì e creschì si en l'Engiadina. Tant pli ma legrel jau da m'engaschar en mia vita professiunala e privata en il chantun Grischun.»

Il davos è Pascal Pernet stà responsabel per ils secturs Wealth Management e Client Solutions tar LGT Capital Partners. El enconuscha damai en spezial tut las fassetas da la fatschenta d'investiziuns e rinforza uschia l'orientaziun strategica da la BCG sco banca d'investiziuns. Sco responsabel per il sector Client Solutions enconuscha Pascal Pernet plinavant tant ils process da vendita e da management davos las culissas sco era las pretensiuns ed ils gavischs da las clientas e dals clients. Uschia lavura el

datiers da la clientella e po dar ils impuls decisivs per sviluppar vinavant la purschida da cussegliaziun e da servetschs da la BCG – tant en l'offerta digitala sco er en la cussegliaziun persunala al lieu.

Pascal Pernet è naschì il 1973 a Samedan e creschì si a Sent. El è maridà, ha quatter uffants e viva per il mument a Turitg. La famiglia ha l'intenziun da far midada en il chantun Grischun. Pascal Pernet discorra tut las quatter linguas naziunalas ed è creschì si cun rumantsch sco lingua materna. El ha absolvi la matura a l'Institut autalpin Ftan e suenter studegià economia a l'Universitad da Son Gagl.

**Contact:**

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Daniel Daester, [daniel.daester@gkb.ch](mailto:daniel.daester@gkb.ch), telefon +41 81 256 88 01

Banca Chantunala Grischuna, Medias & Investor Relations, chascha postala, 7001 Cuir  
[medien@gkb.ch](mailto:medien@gkb.ch) / [gkb.ch/medien](http://gkb.ch/medien)

**Banca Chantunala Grischuna.**

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. L'interpresa cun sedia principala a Cuir è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadada al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias purschidas per lavur voluntara.

La BCG dispona da participaziuns da maiorità a la banca privata Bellerive AG, a l'Albin Kistler AG ed a la BZ Bank AG e d'ina participaziun da minorità a la Twelve Capital Holding AG. Il scrit da participaziun BCG è quotà a la bursa dapi il 1985.